

Eennâm- já meccituáluuministeriö miäradâs

kuolij Gyrodactylus salaris -njuámmum levânem estim várás vuáduđemnáál raijiit- tâskuávlust

Eennâm- já meccituáluuministeriö lii elleetavdâlaavâ (76/2021) 37 § 2 já 3 moomeent vuáduđ meridâm:

1 §

Miäradâs tárguttâs já koskâvuotâ lahâaasâtmân

Tain miäradâssâin vuáduđuvvoo raijiittâskuávlun kuolij Gyrodactylus salaris -njuámmum (*G. salaris -njuámmum*) levânem estim várás sehe meriduvvoo raijiittâskuávlust nuávdittemnáál kiälđuin, iävtuin, raijiittâssâin já kenigâsvuodâin.

2 §

Miäruštálmeh

Taan miäradâssâst kyeleh uáivildeh pajeluokan Agnatha sehe luokkaid *Chondrichytes*, *Sarcopterygii* já *Actinopterygii* kullee tollum tâi luánduvárásijd čäcielleid, ij kuittâg toi suhâseelâid.

3 §

Raijiittâskuávlun G.salaris-njuámmum levânem estim várás

Raijiittâskuávlun *G. salaris* -njuámmum levânem estim várás (*raijiittâskuávlun*) hámmejeđ Suomâ čácádâhkuávlun eereeb Tiänujuuvâ já Njiävdámjuuvâ čácádâhkuávlun.

Raijiittâskuávlun juáhás kyevti uásán:

- 1) Paččvei, Uvduujuuvâ já Toollámjuuvâ čácádâhkuávlun (*tuástumkuávlun*); já
- 2) tuástumkuávlun ulguupiälááh raijiittâskuávlun kullee čácádâhkuávlun (*eidusâš raijiittâskuávlun*).

4 §

Kiälđu sirded ellee kuolijd raijiittâskuávlust meddâl já raijiittâskuávlun siste

Ellee kuolij sirdem raijiittâskuávlust Tiänujuuvâ já Njiävdámjuuvâ čácádâhkuávluid já eidusii raijiittâskuávlust tuástumkuávlun lii kiöldum.

5 §

Kuolij suhâseelâi sirdem raijiittâskuávlust meddâl já raijiittâskuávlun siste

Kuolij šovâttum suhâseelâid uázžu sirded raijiittâskuávlust Tiänujuuvâ já Njiävdámjuuvâ čácádâhkuávluid já eidusii raijiittâskuávlust tuástumkuávlun tuše toin iävttoin, ete meini lii,

323/2021

talle ko tom láá eidu paččaam já tot lii čalmečyegistääsist, kiedâvuššum vuovviijn, mii tuššád *G. salaris* -parasiitijd, moh máhđulávt láá meeini asseest.

6 §

Vuáimánpuáttim

Taat miärádás puátá vuáimán 21 peeivi cuáŋuimáánu 2021.

Helsingist 13.4.2021

Eennâm- já meccituáluminister Jari Leppä

Rádádállee virgeolmooš Kajsa Hakulin